

## #ارحل\_ياسيسي يتصدر تويتر في أقل من ساعة



السبت 9 سبتمبر 2017 02:09 م

تصدر وسم "#ارحل\_ياسيسي" قائمة الأكثر تداولاً على موقع "تويتر" في مصر، خلال أقل من ساعة، وعُدد ناشطون عبره ضد بقاء عبدالفتاح السيسي، في منصبه الغير شرعي

وبعد اكتساح الوسم منشورات مواقع التواصل الاجتماعي، حاولت كتائب السيسي الرد بوسم مضاد عنوانه "#السيسي\_قرار\_الشعب"، لكنه لم يصعد في قائمة الأكثر تداولاً إلا لوقت قصير، رغم التعليقات المتكررة من الحسابات المعروفة للكتائب الإلكترونية

وطرح الناشط شادي الغزالي حرب سؤالاً على شكل استفتاء "تفكروا السيسي هيرحل إزاي؟ #ارحل\_ياسيسي"، وبين انقلاب أو انتخابات أو ثورة، اختارت النسبة الأكبر من رواد مواقع التواصل خيار الثورة

وتحدى الناشط حازم عبدالعظيم السيسي "ارحل\_ياسيسي"، في أقل من ساعة بقى ترند رقم 1. لو راجل صحيح اعمل انتخابات نزيهة أو استفتاء وها تعرف شعبيتك الحقيقية

وغردت زهراء "#ارحل\_ياسيسي"، عايزين رئيس مصري ركب مواصلات زينا، دخل مستشفى حكومي زينا، اتضرب من طابط داخلية زينا، مرتبه بيخلص نص الشهر زينا، طالع عينه زينا".

وأكد آخر "#ارحل\_ياسيسي"، عملت كل شيء قذر وستدفع ثمن أفعالك من دمك ودم معاونيك وسترحل غير مأسوف عليك، وستلقى مصيراً سيكون عبرة لكل ظالم إلى يوم القيامة".

وهتفت إيثار "#ارحل\_ياسيسي"، كفاية اعتقالات واختفاء قسري، كفاية كتم في صوتنا، كفاية استخفاف بعقولنا، كفاية هيمنة الجيش على الدولة، كفاية قتل وفتنة، كفاية قرف!! كفاية عليك أوي".

وقال صاحب حساب "مصري": "إذا كنت انت فرعون سنكون لك "موسى" #ارحل\_ياسيسي"، وغردت نور: "#ارحل\_ياسيسي عشان مبعثش أفكر في الحياة، دايمًا بفكر في الموت والسواد، الأمل جوانا ضاع مبعثش الضحكة بتعرف لقلوبنا طريق".

وشاركت منال "#ارحل\_ياسيسي" الجرائم اللي عملتها في مصر مش ممكن تتكتب في تويته محتاجة مجلد"، وكتب يوسف "#ارحل\_ياسيسي"، مذبحه الحرس الجمهوري، مذبحه القائد ابراهيم، مذبحه النصب التذكاري، مذبحه رابعة والنهضة، مذبحه مسجد الفتح، مذبحه عربية الترحيلات".

وتعجبت إحدى المغردات "#ارحل\_ياسيسي" تخيل! نفس الإيد اللي كتبت شهادة رئاستك ووقعت بعلامة صح على اسمك هي الإيد اللي بتكتب ارحل

وعلى لسان السيسي سخر أحمد "يعني أستلف فلوس وأعرق مصر في الديون عشان أشتري أسلحة وأجوعكم وأفشحكم ضرايب وأبيع البلد عشان أسدد الديون ويجي واحد يقول لي #ارحل\_ياسيسي! ميصحش كده".